

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2019 йил 5 февраль №ПҚ-4159 20

Соғлиқни сақлаш тизими ислохотларига илғор хорижий тажрибани жорий этишга доир ташкилий чора-тадбирлар тўғрисида

Ўзбекистон Республикаси Президентининг “Ўзбекистон Республикаси соғлиқни сақлаш тизимини тубдан такомиллаштириш бўйича комплекс чора-тадбирлар тўғрисида” 2018 йил 7 декабрдаги ПФ-5590-сон Фармони ижросини таъминлаш ҳамда соғлиқни сақлаш соҳасини бошқаришга юқори малакали хорижий мутахассисларни кенг жалб қилиш мақсадида:

1. Ўзбекистон Республикаси Вазирлар Маҳкамаси, Соғлиқни сақлаш вазирлиги ва Молия вазирлигининг **соғлиқни сақлаш соҳасига илғор хорижий тажрибани жорий этиш бўйича таклифлар тайёрлаш ва ислохотларни эксперт жихатдан қўллаб-қувватлаш**, шу жумладан қуйидагилар учун масъул бўлган Ўзбекистон Республикаси соғлиқни сақлаш вазири ўринбосари (кейинги ўринларда – соғлиқни сақлаш вазири ўринбосари) лавозимини жорий этиш тўғрисидаги таклифи маъқуллансин:

халқаро стандартлар ва Жаҳон соғлиқни сақлаш ташкилотининг тавсияларини имплементация қилган ҳолда соғлиқни сақлаш соҳасини комплекс ҳуқуқий тартибга солиш;

соғлиқни сақлашни молиялаштириш ва ташкил этиш тизимини такомиллаштириш;

мажбурий тиббий суғуртани жорий этиш;

давлат-хусусий шериклик ва тиббий туризмдан фойдаланишнинг энг яхши амалиётларини татбиқ қилиш;

соғлиқни сақлаш соҳасига инвестицияларни кенг жалб этиш учун қулай шарт-шароитлар яратиш ва рақобат муҳити яхшилаш;

“электрон соғлиқни сақлаш” тизимларини кенг жорий этиш.

2. Белгилансинки:

соғлиқни сақлаш вазирининг ўринбосари лавозимига Ўзбекистон Республикаси Президенти томонидан лавозимга тайинланадиган ва лавозимидан озод этиладиган соғлиқни сақлаш соҳасидаги юқори малакали хорижий мутахассис жалб этилади;

соғлиқни сақлаш вазирининг ўринбосари бир вақтда Ўзбекистон Республикаси Бош вазирининг ижтимоий ривожлантириш масалалари бўйича ўринбосари маслаҳатчиси ҳисобланади;

соғлиқни сақлаш вазири ўринбосарининг фаолияти Ўзбекистон Республикаси Бош вазирининг ижтимоий ривожланиш масалалари бўйича ўринбосари томонидан мувофиқлаштирилади;

соғлиқни сақлаш вазири ўринбосарига шахсий таржимон, ёрдамчи, хизмат автотранспорти, хизмат турар жойи берилади ҳамда доимий яшаш мамлакатига бориб-келиш учун халқаро парвозларда авиачипталар киймати копланди;

Ривожлантириш ва соғлиқни сақлашни бошқариш органлари ходимларини моддий рағбатлантириш жамғармаси маблаглари соғлиқни сақлаш вазири ўринбосарининг иш ҳақини тўлаш, ҳудудлар бўйлаб сафарларда транспорт ва хизмат сафари, таржимон, ёрдамчи ёллаш, хизмат турар жойи, шунингдек доимий яшаш мамлакатига бориб-келиш учун халқаро парвозларда авиачипталар харажатларини коплаш манбалари ҳисобланади.

3. Соғлиқни сақлаш вазири ўринбосарига икки нафар юқори малакали хорижий мутахассислардан иборат бўлган гуруҳ бириктирилиши, уларнинг таъминоти ўзларининг маблаглари ҳисобига амалга оширилиши маълумот учун қабул қилинсин.

4. Ўзбекистон Республикаси Вазирлар Маҳкамаси бир ой муддатда соғлиқни сақлаш вазирининг ўринбосари билан томонларнинг ҳуқуқлари, мажбуриятлари ва масъулиятини, мақсадли индикаторларни, шартноманинг бошқа муҳим шартларини, шунингдек ушбу қарорнинг 1-бандини амалга оширишнинг батафсил механизмларини белгилаб берадиган шартнома тузин.

5. Ўзбекистон Республикаси соғлиқни сақлаш вазири А.К.Шадмановга соғлиқни сақлаш вазири ўринбосарининг Ўзбекистон Республикаси Соғлиқни сақлаш вазирлиги ташкилий тузилмасига кирувчи таркибий бўлинмалар ва муассасалар билан ўзаро самарали ҳамкорлигини ташкил этиш учун шахсан масъул эканлиги кўрсатиб ўтилсин.

6. Ўзбекистон Республикаси Ташқи ишлар вазирлиги Соғлиқни сақлаш вазирлигининг буюртманомалари бўйича соғлиқни сақлаш вазирининг ўринбосарига ва унга бириктирилган хорижий мутахассисларга ҳамда уларнинг оила аъзоларига кўп марталик кириш визалари консуллик йиғимлари ва бошқа йиғимлар ундирилмасдан белгиланган тартибда расмийлаштирилишини таъминласин.

7. Ўзбекистон Республикаси Ички ишлар вазирлиги Соғлиқни сақлаш вазирлигининг буюртманомалари бўйича соғлиқни сақлаш вазирининг ўринбосарига ва унга бириктирилган хорижий мутахассисларга ҳамда уларнинг оила аъзоларига давлат божи ундирилмасдан кўп марталик визалар белгиланган тартибда берилиши ва узайтирилишини, вақтинча яшаш жойи бўйича вақтинчалик пропискалар расмийлаштирилишини таъминласин.

8. Ўзбекистон Республикаси Президентининг “Ўзбекистон Республикаси Соғлиқни сақлаш вазирлиги фаолиятини ташкил этиш чора-тадбирлари тўғрисида” 2018 йил 7 декабрдаги ПҚ–4055-сон қарорига иловага мувофиқ ўзгартириш киритилсин.

9. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари А.А. Абдуҳакимов, Ўзбекистон Республикаси Президентининг маслаҳатчиси А.А. Абдувахитов ва Ўзбекистон Республикаси Президенти маслаҳатчисининг биринчи ўринбосари Б.М. Мавлонов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри

Ўзбекистон Республикаси Президентининг
2019 йил “ 5 ” февралдаги ПҚ-4159-сон қарорига
шлова

**Ўзбекистон Республикаси Президентининг “Ўзбекистон Республикаси
Соғлиқни сақлаш вазирлиги фаолиятини ташкил этиш чора-тадбирлари
тўғрисида” 2018 йил 7 декабрдаги ПҚ-4055-сон қарорига киритилаётган
ўзгартиришлар**


Ўзбекистон Республикаси Президентининг “Ўзбекистон Республикаси
Соғлиқни сақлаш вазирлиги фаолиятини ташкил этиш чора-тадбирлари
тўғрисида” 2018 йил 7 ноябрдаги ПҚ-4055-сон қарорига:

а) 7-банднинг бешинчи хатбоши қуйидаги тахрирда баён қилинсин:

“Ўзбекистон Республикаси Давлат бюджети ҳисобидан
молиялаштириладиган Вазирликнинг марказий аппарати бошқарув
ҳодимларининг чекланган сони 127 нафар, соғлиқни сақлаш ҳудудий бошқарув
органлари ходимларининг чекланган сони – 391 нафар этиб белгилансин”;

б) 2-илова матни қуйидаги тахрирда баён этилсин:

“Ўзбекистон Республикаси Соғлиқни сақлаш вазирлиги марказий аппаратининг ташкилий тузилмаси



Ўзбекистон Республикаси Давлат бюджет ҳисобидан молиялантирилган бошқарув ходимларининг чекланган сони 127 нафар.

*) Бошқарув ходимларининг умумий сони 127 нафар, уларнинг таъиноти Ривожлантириш ва соғлиқни сақлашни бошқариш органлари ходимларини молиявий раёублантириш жамғармаси маблағлари ҳисобидан амалга оширилади.

***) Уларнинг таъиноти Республика шифолиқ тиббий ёрдам илмий маркази маблағлари ҳисобидан амалга оширилади.